

**Bosna i Hercegovina
FEDERACIJA BOSNE I HERCEGOVINE
ZENIČKO – DOBOJSKI KANTON
MINISTARSTVO UNUTRAŠNJIH POSLOVA
MINISTARSTVO UNUTARNJIH POSLOVA
ZENICA
UPRAVA POLICIJE
POLICIJSKA UPRAVA I**

INFORMACIJA
o radu PU I Zenica sa ocjenom stanja bezbjednosti
za period januar – decembar 2022. godine

Zenica, april 2023. godine

SADRŽAJ

UVOD	1
STANJE BEZBJEDNOSTI PO OBLASTIMA	3
JAVNI RED I MIR	3
Struktura narušavanja javnog reda i mira	3
BEZBJEDNOST SAOBRAĆAJA	5
OSTALE AKTIVNOSTI	9
DRŽANJE I NOŠENJE ORUŽJA I MUNICIJE	10
KRIMINALITET	10
ZAKLJUČAK	16
PRIJEDLOG MJERA KOJE ĆE SE PODUZIMATI U CILJU POBOLJŠANJA BEZBJEDONOSNE SITUACIJE	17
Javni red i mir	17
Bezbjednost saobraćaja	18
Kriminalitet	18

U V O D

Informacija o radu Policijske uprave I Zenica sa pregledom stanja bezbjednosti za period januar-decembar 2022. godine, bazira se na statističkim pokazateljima i sveukupnim aktivnostima, saznanjima i izvještajima organizacionih jedinica Policijske uprave I MUP-a ZE-DO kantona Zenica: Policijske stanice Centar, Policijske stanice Crkvice, Policijske stanice Nemila i Odsjeka kriminalističke policije.

Ocjena stanja bezbjednosti služi za utvrđivanje obaveza organizacionih jedinica Policijske uprave I Zenica ali predstavlja i realan indikator uspješnosti rada policije u pojedinim segmentima rada, te aktualizira rješavanje problema u okviru Policijske uprave I Zenica kao sastavnog dijela MUP-a ZE-DO kantona Zenica, zatim saradnju sa F MUP-a, MUP-a drugih kantona, drugim policijskim upravama i policijskim stanicama MUP-a ZE-DO kantona Zenica, kao i saradnju sa drugim agencijama za sprovođenje zakonskih i podzakonskih akata, a također inicira i obaveze drugih institucija ZE-DO kantona za stvaranje sigurnog okruženja.

S tim u vezi cjelokupna aktivnost Policijske uprave I Zenica odvija se u koordinaciji sa drugim nadležnim organima i institucijama, Tužilaštvom BiH, Federalnim i Kantonalnim tužilaštvom, Kazнено-popravnim zavodom Zenica, zatim Ministarstvom pravde, Kantonalnom upravom za inspeksijske poslove, te drugim ministarstvima i kantonalnim upravama.

U periodu od 01.01. do 31.12.2022. godine aktivnosti službenika Policijske uprave I Zenica bile su usmjerene na eliminisanje svih pojava koje su narušavale ili su mogle narušiti cjelokupnu bezbjedonosnu situaciju, odnosno na izvršavanje poslova i zadataka predviđenih planovima rada njenih organizacionih jedinica za period januar-decembar 2022. godine, a prvenstveno na zaštitu života i lične i imovinske sigurnosti građana, i to održavanje javnog reda i mira, kontrolu učesnika u saobraćaju, sprečavanje i otkrivanje kriminaliteta, kontrolu boravka stranaca, držanje i nošenje oružja i municije, te druge poslove koji spadaju u djelokrug rada policije a propisani su Zakonom o unutrašnjim poslovima Zeničko-dobojskog kantona, Zakonom o policijskim službenicima Zeničko-dobojskog kantona i drugim zakonskim i podzakonskim aktima.

Posebna pažnja je bila posvećena zakonitoj primjeni policijskih ovlaštenja, te korektnom i profesionalnom odnosu policije prema građanima, uz maksimalno poštivanje standarda o ljudskim pravima.

Provodeći planirane aktivnosti u periodu januar-decembar 2022. godine, Policijska uprava I Zenica je organizovala i sprovodila sve vidove službi neophodnih za izvršavanje planiranih poslova i zadataka, te na taj način obezbijedila realizaciju poslova i zadataka predviđenih planovima njenih organizacionih jedinica, kao i akcijama zavednim u naznačenom periodu.

Policijska uprava I Zenica je u skladu sa svojim ovlaštenjima poduzimala aktivnosti iz oblasti javnog reda i mira, saobraćaja i kriminaliteta kao i druge aktivnosti iz nadležnosti policijskih stanica i Odsjeka kriminalističke policije, a iste su analizirane na sastancima održanim sa rukovodnim radnicima organizacionih jedinica Policijske uprave I Zenica.

Poduzimane su aktivnosti kao što su obezbjeđenje i pratnja ličnosti i objekata, pratnja "B" materija i vangabaritnih tereta, te obezbjeđenje javnih skupova i skupova koji su proglašeni skupovima "visokog rizika".

U saradnji sa Kantonalnom upravom za inspekcijske poslove poduzimane su aktivnosti na kontroli prometa roba i kontroli rada ugostiteljskih objekata, te aktivnosti na sprečavanju rada nelegalnih taksi prijevoznika, a pružane su i asistencije federalnim, kantonalnim i općinskim inspektorima.

Vršene su aktivnosti na kontroli, odnosno reviziji izdatog lovačkog naoružanja, te aktivnosti vezane za primjenu Zakona o agencijama i unutrašnjim službama zaštite F BiH.

Obavljane su aktivnosti povodom najavljenih organizovanih protesta, te aktivnosti na obezbjeđenju javnih sportskih, kulturnih, vjerskih i dr. skupova. Službenici policije su učestvovali u aktivnostima osiguranja **25 međunarodnih utakmica Bosne i Hercegovine**, na čijem je obezbjeđenju bilo angažovano u prosjeku oko 300 policijskih službenika po utakmici, kao i osiguranja za još **550 drugih javnih skupova**, koji su protekli uredno i bez većih incidenata. Također, poduzimane su aktivnosti u vezi akcije "Izbori 2022", na osiguranju predizbornih skupova, aktivnosti na bezbjednom održavanju samog izbornog procesa na dan izbora 02.10.2022. godine, kao i aktivnosti na obezbjeđenju izbornog materijala.

Poduzimane su aktivnosti na kontroli učesnika u saobraćaju, naročito u pogledu postupanja prema vozačima-počinocima prekršaja utvrđenih stacioniranim i mobilnim radarom, zatim planske aktivnosti u pogledu kontrole vožnje pod uticajem alkohola i brzine kretanja vozila, kao i preticanja na nedozvoljenim mjestima, te kontinuirane aktivnosti na rješavanju problematike mirujućeg saobraćaja, kontrole tehničke ispravnosti vozila i dr.

U cilju poboljšanja bezbjednosti učesnika u saobraćaja, smanjenja broja saobraćajnih nezgoda sa teškim posljedicama i stvaranja visokog stepena bezbjednosti odvijanja saobraćaja na svim putevima u nadležnosti Policijske uprave I Zenica, poduzimane su aktivnosti pojačane kontrole učesnika u saobraćaju, sa akcentom na slijedeće: "Kontrola prisustva alkohola u organizmu vozača", "Kontrola provjere važnosti registracije vozila i potvrde o registraciji", "Kontrola kretanja pješaka i obaveza vozača prema pješacima", "Kontrola učesnika u saobraćaju sa akcentom na sigurnost djece, kao učenika u saobraćaju", "Kontrola učesnika u saobraćaju sa inostranim registarskim oznakama", "Kontrola korištenja zaštitne kacige prilikom upravljanja motociklom, biciklom i mopedom", "Kontrola učesnika u saobraćaju za koja se posumnja da uživaju opojne droge i posjeduju druge predmete koji potiču iz krivičnog djela", "Kontrola kretanja pješaka i obaveze vozača prema pješacima", "Kontrola korištenja mobitela prilikom upravljanja vozilom" i "Kontrola motornih vozila sa akcentom na posjedovanje i korištenje zimske opreme".

Poduzimane su aktivnosti na rasvjetljavanju krivičnih djela protiv privrede, te krivičnih djela razbojništva i razbojničkih krađa, zatim aktivnosti na suzbijanju neovlaštene proizvodnje, stavljanja u promet, posjedovanja i uživanja opojnih droga, te aktivnosti na suzbijanju teških krađa putničkih motornih vozila, šumskih krađa i teških krađa u kuće, stanove i privredne i društvene objekte, kao i aktivnosti na suzbijanju krivičnih djela silovanja, nasilja u porodici i drugih krivičnih djela.

S obzirom da rad policije u najvećoj mjeri ocjenjuju sami građani, potrebno je istaći da su poduzimane i aktivnosti na realizaciji projekta "Rad policije u zajednici", čiji je cilj transformacija sa tradicionalnog modela djelovanja policije na rad policije usaglašen sa evropskim standardima, gdje građani mogu dati značajan doprinos radu policije, a sve u cilju postizanja bolje bezbjednosne situacije i osjećaja sigurnosti građana.

Obzirom da je prvenstveni zadatak službenika Policijske uprave I Zenica da služe zajednici, isti se maksimalno trude da zadobijeno povjerenje i opravdaju, iako je analizom njihove trenutne radne

angažiranosti, kao i popunjenosti svih sistematizovanih radnih mjesta u okviru te organizacione jedinice MUP-a ZE-DO kantona Zenica, utvrđeno da je u istoj prisutno kontinuirano smanjenje broja ovlaštenih službenih osoba odlaskom pojedinih policijskih službenika u druge agencije, penzionisanjem i na drugi način, tako da Policijska uprava I Zenica svoje svakodnevne poslove i radne zadatke obavlja sa znatno manjim brojem policijskih službenika od sistematizovanog broja. Ohrabruje činjenica da Vlada ZE-DO kantona u posljednje vrijeme odobrava prijem novih policijskih službenika u MUP-a ZE-DO kantona Zenica što će u narednom periodu u velikoj mjeri olakšati rad i same Policijske uprave I Zenica.

Stanje bezbjednosti na području Policijske uprave I Zenica za period januar-decembar 2022. godine, prezentirano je po oblastima javnog reda i mira, bezbjednosti saobraćaja i kriminaliteta, sa uporednim podacima iz prethodne godine.

STANJE BEZBJEDNOSTI PO OBLASTIMA

JAVNI RED I MIR

Na području koje pokriva Policijska uprava I Zenica, u izvještajnom periodu registrovano je 1661 slučaj narušavanja JRiM-a, dok je u istom periodu prethodne godine JRiM narušen u 2664 slučaja. U svim slučajevima narušavanja JRiM-a policijski službenici su sačinjavali prekršajne naloge i podnosili zahtjeve za pokretanje prekršajnog postupka protiv 1661 lica, za razliku od istog perioda prethodne godine kada su prekršajni nalozi i zahtjevi za pokretanje prekršajnog postupka sačinjeni protiv 2664 osobe.

STRUKTURA NARUŠAVANJA JAVNOG REDA I MIRA


	2021. godina	2022. godina
Tuča, fizički napad	167	216
Svađa, vika, nepristojno ponašanje	125	86
Nepostupanje i omalovažavanje	1115	113
Neovlaštena upotreba oružja	30	9
Ostali prekršaji	1227	1237
UKUPNO NARUŠAVANJA	2664	1661

Stanje javnog reda i mira u 2022. godini po policijskim stanicama:

	Broj prekršaja JRM	Broj učinilaca	Tuče i fizički napadi	Naročito drsko ponašanje	Odbijanje naređenja i omalovažavanje pol.sl.	Ostali prekršajii	Ugostiteljski objekti	Ulice, trgovci, putevi i drugi otvoreni prostori	Ostala mjesta
PS Centar	694	694	89	90	62	453	42	582	70
PS Crkvice	814	814	97	89	45	583	6	597	211
PS Nemila	153	153	30	51	6	66	11	68	74
UKUPNO PU I ZENICA	1661	1661	216	230	113	1102	59	1247	355

Kako se može vidjeti iz navedenih podataka, broj narušavanja JRiM-a u izvještajnom periodu je u odnosu sa brojem narušavanja JRiM-a u istom periodu prethodne godine smanjen za 1003 slučaja ili 37,65 %. Najveći broj narušavanja je evidentiran na području koje pokriva Policijska stanica Crkvice (814), dok je najmanje na području Policijske stanice Nemila (153). Detaljnom analizom počinjenih prekršaja prema strukturi, evidentno je uvećanje prekršaja koji se odnose na prekršaje konzumiranja alkohola na javnom mjestu, konzumiranju narkotičkih sredstava, vođenja psa bez zaštitne korpice, kupovina/prodaja domćeg/stranog novca, prosjačenje, reprodukcija muzike i sl., a što je rezultat rada službenika policije na evidentiranju i sankcionisanju pomenutih prekršaja.

Dijagram prekršaja protiv javnog reda i mira za PU I Zenica, sa uporednim podacima iz 2021. godine



Navedeni pokazatelji su rezultat pojačanih aktivnosti koje su službenici Policijske uprave I Zenica poduzimali u skladu sa ranije sačinjenim Planom pojačanih aktivnosti policije iz oblasti JRiM-a, posebno u pogledu pregleda ugostiteljskih objekata i osoba u njima, pregleda otvorenih i napuštenih objekata, te pregleda vozila i osoba u vozilima radi pronalaska predmeta pogodnih za nanošenje tjelesnih povreda sebi ili drugome, kao i predmeta iz krivičnih djela "Neovlaštena proizvodnja i

stavljanje u promet opojnih droga" i "Posjedovanje i omogućavanje uživanja opojnih droga", a sve u cilju stvaranja sigurnijeg ambijenta na području grada Zenica.

Također, navedeni pokazatelji su rezultat i pojačanih zajedničkih aktivnosti Policijske uprave I Zenica sa Kantonalnom upravom za inspekcijske poslove na kontroli ugostiteljskih objekata u pogledu poštivanja Općinske odluke o radnom vremenom, kao i kontrole i nadzora rada ugostiteljskih objekata koji su poznati kao mjesta u kojima se često narušava javni red i mir ili se okupljaju osobe sklone vršenju prekršaja.

Bitno je istaći da je izmjenom propisa kojima se reguliše rad tržišne inspekcije, ukinuto radno mjesto tržišnog inspektora u okviru općinskih inspekcija, uslijed čega tržišni inspektori koji djeluju u okviru Kantonalne uprave za inspekcijske poslove, s obzirom na njihov broj, ne mogu odgovoriti poslovima i zadacima koji se pred njih postavljaju.

Osim toga, poduzimane su i pojačane aktivnosti na kontroli i nadzoru nad radom ugostiteljskih objekata i drugih preduzeća koja koriste usluge nelegalnih zaštitara, kao i aktivnosti povodom najavljenih organizovanih blokada javnih puteva i ustanova, te aktivnosti na obezbjeđenju svih javnih skupova (sportskog, kulturnog, vjerskog i dr. karaktera) koji su se održavali na području grada Zenica.

Policijski službenici Policijske uprave I Zenica su u izvještajnom periodu poduzimali i mjere prema maloljetnim osobama, odnosno njihovim roditeljima, usvojiteljima i starateljima radi počinjenog prekršaja iz člana 3. stav 1. tačka 26. Zakona o javnom redu i miru ("Sl. novine ZE-DO kantona", broj 8/00 od 15.05.2000. godine, broj 15/03 od 24.11.2003. godine, broj 11/07 od 06.07.2007. godine i broj 8/08 od 14.07.2008. godine).

Analizirajući uzroke narušavanja JRiM-a konstatovano je da su najčešći uzroci činjenja prekršaja alkoholisanost, vaspitna zapuštenost, kultura, neriješeni imovinsko-pravni odnosi, drskost, samovolja, loša ekonomska situacija u društvu i dr., dok se kao izvršioc prekršaja najčešće pojavljuju muškarci mlađe životne dobi.

BEZBJEDNOST SAOBRAĆAJA


U izvještajnom periodu na području Policijske uprave I Zenica, evidentirano je 1021 saobraćajnih nezgoda, dok je u istom periodu prethodne godine evidentirana 1255 saobraćajnih nezgoda. Od ukupnog broja saobraćajnih nezgoda u 182 saobraćajne nezgode učesnici su zadobili tjelesne povrede, te se desilo 6 saobraćajnih nezgoda sa smrtnim posljedicama. Ostale saobraćajne nezgode su za posljedicu imale materijalnu štetu.

	2021. godina	2022. godina
Kontrola vozila i vozača	40462	52385
Izvršeno pregleda vozila	5332	6953
Broj zahtj. za pokret. prekr. post.	879	1026
Izvršeno uviđaja sa mat. štetom	1040	833
Izvršeno uviđaja sa povr. osobama	143	141
Napisano prekršajnih naloga	33211	36601
Isključeno vozača iz saobraćaja	1573	1800
Isključeno vozila iz saobraćaja	305	158
Broj saobraćajnih nezgoda	1255	1021
Poginulih osoba	6	6
Sa materijalnom štetom	1040	833
Sa povrijeđenim osobama	172	182

Upoređujući broj saobraćajnih nezgoda u izvještajnom periodu sa brojem saobraćajnih nezgoda iz prethodne godine konstatovano je da je na području koje pokriva Policijska uprava I Zenica došlo do smanjenja broja saobraćajnih nezgoda za 234 ili 18,64 %.

Od ukupnog broja saobraćajnih nezgoda najveći broj se odnosi na saobraćajne nezgode sa materijalnom štetom – 82 %, zatim na saobraćajne nezgode sa povrijeđenim osobama – 17,50 %, te nezgode sa smrtno stradalim osobama – 0,50 %.

Dijagram broja saobraćajnih nezgoda prema posljedicama:



Stanje u oblasti bezbjednosti saobraćaja u 2022. godini, po policijskim stanicama u poređenju sa 2021. godinom

Područje	Broj saobraćajnih nezgoda		TEŽE POSLJEDICE			
			Teže povrijeđeni		Smrtno stradali	
	2021.	2022.	2021.	2022.	2021.	2022.
PS Centar	943	735	33	28	5	4
PS Crkvice	247	258	14	10	1	2
PS Nemila	25	28	0	3	0	0
UKUPNO PU I ZENICA	1215	1021	47	41	6	6

Premda je broj saobraćajnih nezgoda sa materijalnom štetom u padu, zabrinjavajuće je da je broj nezgoda sa povrijeđenim licima u porastu. Izvršenim analizama saobraćajnih nezgoda sa smrtnim posljedicama evidentno je da su se 4 SN dogodile van naseljenog mjesta (3 - M17, 1- lokalni put) dok su 2 u ulicama u naselju. U navedenim nezgodama smrtno je stradalo 6 lica, i to: 3 vozača, 2 putnika u vozilu i 1 pješak. Uzroci navedenih saobraćajnih nezgoda su uglavnom neprilagođena brzina uslovima i kategoriji puta (slaba putna infrastruktura, vertikalna i horizontalna signalizacija i dr.), upravljanje vozilom pod dejstvom alkohola.

U izvještajnom periodu, Policijska uprava I Zenica, podizimala je aktivnosti na poboljšanju stanja u oblasti bezbjednosti saobraćaja, kako slijedi: kontrolisno je 52385 vozila i vozača za razliku od 2021. godine kada je kontrolisano 40462 vozila i vozača, što je više za 11923 vozila i vozača ili 29 %, i 5931 drugih lica u vozilu.

Također, kada su u pitanju pojačane aktivnosti na provođenju represivnih mjera prilikom kontrole učesnika u saobraćaju vidljivo je da su policijski službenici Policijske uprave I Zenica u 2022. godini izdali 36601 prekršajnih naloga, što je u odnosu na 2021. godinu više za 3390 ili 10,20 %.

Represivne mjere službenika policije po pitanju bezbjednosti saobraćaja:

	2021.	2022.
Broj izdatih prekršajnih naloga	33211	36601
Isključeno vozača zbog upravljanja pod dejstvom alkohola	1271	1407
Zatečeno lica da upravljaju vozilom bez položenog ispita	260	294
Upravljanje pod izrečenom zaštitnom mjerom "zabrana upravljanja"	115	132
Bez korištenja sigurnosnog pojasa	372	716
Korištenje mobitela tokom vožnje	315	594

Navedeni pokazatelji su rezultat pojačanih aktivnosti na poduzimanju preventivnih mjera za poboljšanje bezbjednosti saobraćaja, zatim pojačanih aktivnosti na provođenju represivnih mjera prilikom kontrole učesnika u saobraćaju, aktivnosti u pogledu postupanja prema vozačima, počinocima prekršaja utvrđenih stacioniranim i mobilnim radarom, naročito onih koji upravljaju vozilima stranih registarskih oznaka, te planskih aktivnosti u pogledu kontrole vožnje pod dejstvom alkohola, kontrole brzine kretanja vozila i kontrole preticanja na nedozvoljenim mjestima, kao i kontinuiranih aktivnosti na rješavanju problematike mirujućeg saobraćaja, tehničke neispravnosti vozila i dr. Evidentno je da na području grada Zenice postoji problem koji se ugleda u nedostatku parking mjesta, gdje službenici policije svakodnevno rade po pitanju mirujućeg saobraćaja, te je u 2022. godini sankcionisano 6829 vozača zbog nepropisnog parkiranja (6771 u 2021. godini).

Bitno je napomenuti da je video nadzor saobraćajnica uspostavljen na 17 lokacija u Gradu Zenica, LPR kamere su povezane u sistem te se vrši snimanje vozila i pješaka, prati činjenje prekršaja, te vrši sankcionisanje počinalaca, prevenstveno vozila sa nevažećim registracijama. Tokom 2022. godine, koristeći ovaj sistem na području grada Zenice je izrađeno 76.760 fotografija (53.417 u prethodnoj godini), kojima je evidentirano 12.997 prekršaja upravljanja neregistrovanim vozilima (9.349 u 2021. godini) i 200 prekršaja zloupotrebe registarskih tablica. Ovi prekršaji su sankcionisani

podnošenjem zahtjeva za pokretanje prekršajnih postupaka i izdavanjem prekršajnih naloga. Moguća naplativost izdatih prekršajnih naloga je 55.700,00 KM.

Također, službenici Policijske uprave I Zenica su prema planskim aktivnostima poduzimali mjere i radnje propisane Zakonom o cestovnom prijevozu Federacije Bosne i Hercegovine ("Sl. novine F BiH", broj 28/06 od 07.06.2006. godine) i Zakonom o izmjenama i dopunama Zakona o cestovnom prijevozu Federacije Bosne i Hercegovine ("Sl. novine F BiH", broj 2/10 od 18.01.2010. godine), te u skladu s istim Općinskom sudu u Zenici podnijeli 28 zahtjeva za pokretanje prekršajnog postupka protiv osoba koje se bave nelegalnim taksiprijevozom, od kojih je Općinski sud u Zenici za 7 osoba izrekao novčanu kaznu a za 1 osobu uvjetnu osudu, dok su postupci protiv ostalih osoba, počinioca prekršaja u toku. Kada je u pitanju ova problematika treba istaći da na poslovima inspeksijskog nadzora provođenja odredbi Zakona o cestovnom prijevozu Federacije Bosne i Hercegovine, u Kantonalnoj upravi za inspeksijske poslove Zenica rade samo dva inspektora cestovnog prometa (navedene poslove ali samo povremeno obavljaju i federalni inspektori cestovnog prometa), koji, s obzirom na njihov broj, ne mogu odgovoriti poslovima i zadacima koji se pred njih postavljaju, tako da na području grada Zenica poslove nadzora nad provođenjem odredbi ovog Zakona koje se odnose na taksi prijevoz, u najvećoj mjeri obavljaju policijski službenici koji vrše nadzor nad sigurnosti cestovnog prometa.

Osim toga treba istaći da su službenici Policijske uprave I Zenica, u izvještajnom periodu, u skladu sa članom 22. Zakona o policijskim službenicima Zeničko-dobojskog kantona ("Sl. novine ZE-DO kantona", broj 8/06 od 25.07.2006. godine) i članom 31. Zakona o prekršajima Federacije Bosne i Hercegovine ("Sl. novine F BiH", broj 63/14 od 06.08.2014. godine), **privremeno oduzeli 44 motornih vozila (40 PMV-a, i 4 motocikala)**. Razlog oduzimanja pomenutih vozila su carinski prekršaji, krivotvorenje isprava, prijevoz drvne mase bez potrebne dokumentacije, neplaćanje većeg broja pravosnažno izrečenih novčanih kazni, kao i to što su osobe koje su upravljale pomenutim vozilima, ista više puta (povratnici) koristile kao predmet kojim se ugrožava javni promet (upravljanje vozilom u alkoholisanom stanju, upravljanje vozilom bez položenog vozačkog ispita, preticanje na nedozvoljenim mjestima, vožnja na mjestima gdje je to zabranjeno, "divljanje" i sl.). Nakon odobrenja suda, od ukupnog broja privremeno oduzetih vozila u 2021. (61 vozila – 53 PMV-a, 4 motocikla i 4 - radne mašine) i 2022. godini (44 vozila – 40 PMV-a i 4 motocikala), **5** vozila je na raspolaganju u PU I, dok je **3** vozila uništeno a vlasnicima istih su izrečene odgovarajuće novčane kazne, a **20** vozila nakon izvršenih provjera su vraćena vlasnicima. Postupci sa ostalim privremeno oduzetim vozilima (**16** vozila) su u toku.

OSTALE AKTIVNOSTI

Obavljajući redovne poslove i zadatke koji spadaju u nadležnost ovlaštenih radnika Policijske uprave I Zenica, isti su poduzimali zakonom propisane mjere i radnje navedene u tabeli.

	2021. godina	2022. godina
Lišeno slobode	748	687
Sprovedeno osoba u KPZ	112	140
Legitimisano osoba	9079	9769
Izvršeno pregleda osoba	8331	9318
Intervencije na zahtjev građana	9186	8835
Asistencije drugim organima	308	224
Provjere za druge organe	65	95
Vanredna obezbjeđenja	348	550
Redovna obezbjeđenja	1110	1112
Broj održanih i osiguranih javnih skupova	211	550
Broj oduzeti predmeta	383	437
Zabilježeno zahtj. za intervenciju	4240	3701
Odgovori za sudove	138	137
Uhvaćeno lica po potjernici	13	14

U 2022. godini, na području Policijske uprave I Zenica, održano je 550 javnih skupova, u 2021. godini 211 što je za 339 skupova više, a na čijem osiguranju su bili angažovani službenici policije. Od navedenog broja 69 skupova je bilo sportskog karaktera, 13 kulturnog te 7 vjerskih, dok je ostalih skupova bilo 428 (predizborni skupovi, tradicionalni, protesti, mirne šetnje i dr.). Od značajnijih skupova mogu se istaknuti nogometne utakmice reprezentacija Bosne i Hercegovine i Gruzije, Luksemburga, Rumunije, Finske i Crne Gore, na kojima je u prosjeku bilo angažovano oko 300 službenika policije, te drugih sportskih skupova međunarodnog karaktera: NK Čelik - OFK Beograd, ragbi turnir sa takmičarima iz Srbije i Hrvatske, nogometne utakmice selekcija NS ZDK i selekcija Izraela i Škotske, kao i veći broj koncerata (Tropiko bend, Nina Badrić, Mirza Selimović, Petar Grašo, Colonia, Aco Pejović, Aca Lukas, Bajaga i Instruktori), te tradicionalnih skupova ("Summer fest", "Noćni cener", "Lastavica", "Ćimburijada") kao i centralnih predizbornih skupova, te samog procesa glasanja na Općim izborima 2022.

Tokom 2022. godine, službenici policije Policijske uprave I, su odgovorili na 8835 intervencija na zahtjev građana. Sve navedene intervencije su uredno zadokumentovane i odnose se na slučajeve vršenja KD-a (1264), narušavanja JRiM-a (1661) te ostale slučajeve (5910) koja nemaju elemente KD-a i narušavanja JRiM-a a uglavnom se tiču neriješenih imovinsko pravnih odnosa i dr. problematike koja nije u nadležnosti rješavanja Policijskih organa.

DRŽANJE I NOŠENJE ORUŽJA I MUNICIJE

Provodeći redovne i dodatne planske aktivnosti, službenici Policijske uprave I Zenica su prilikom pregleda i pretresa stanova, kuća, vozila i osoba u vozilima kao i prilikom vršenja racija u ugostiteljskim objektima, pronašli predmete navedene u tabeli, a protiv svih osoba su poduzete zakonom propisane mjere i radnje.

	2021. godina	2022. godina
Oduzeto hladnog oružja	28	49
Razni pištolji	24	28
Ručne bombe	0	1
Oduzeto pušaka	15	21
Gasno oružje	7	15
Municija	85	50
Dr. pred. pogodni za nanoš. povreda	24	23

U izvještajnom periodu na području Policijske uprave I je izdato 648 odobrenja za nabavljanje oružja fizičkim licima (424 u prethodnoj godini), izdato je 541 oružnih listova (418 u prethodnoj godini), te izvršeno 343 zamjena oružnih listova fizičkim licima (363 u prethodnoj godini), izdato je 2 odobrenja za držanje oružja za pravna lica, oduzeto je 75 komada oružja u upravnom postupku (50 u prethodnoj godini), te 3 odobrenja za nabavku municije (0 u prethodnoj godini).

KRIMINALITET

Izvještaj o radu Odsjeka Krim. policije PU I podnosi se na osnovu pozitivnih zakonskih propisa i obaveza proizašlih iz programskih i planskih opredjeljenja i smjernica rada PU I i Odsjeka Krim. policije, te instruktivnih depeša MUP-a ZE-DO kantona i Instrukcije o načinu vršenja poslova i zadataka Ministarstva unutrašnjih poslova na sprječavanju i otkrivanju kriminaliteta.

Odsjek krim. policije je preduzimao opsežne i planske mjere i radnje na dokumentovanju izvršenih krivičnih djela kao i mjera i radnji u cilju preventivnog djelovanja na zaštiti lične i imovinske sigurnosti građana i zajednice. Organizovan je i realizovan veći broj operativno-taktičkih mjera i radnji opservacije, blokade, racije, a ujedno su kontrolisana i nadzirana lica sklona vršenju teških krivičnih djela.

Također, poduzimane su aktivnosti na suzbijanju neovlaštene proizvodnje, stavljanja u promet, posjedovanja i uživanja opojne droge, zatim aktivnosti na kontroli ugostiteljskih objekata koji su poznati kao mjesta u kojima se često okupljaju osobe sklone vršenju krivičnih djela, te aktivnosti na sprečavanju nelegalnog nabavljanja, držanja i nošenja oružja i municije obzirom da je članom 52. (Krivična djela) i 53. (Krivična djela) Zakona o nabavljanju, držanju i nošenju oružja i municije ("Sl. novine ZE-DO kantona", broj 19/09 od 31.12.2009. godine), nelegalno nabavljanje, držanje i nošenje oružja i municije propisano kao krivično djelo.

Pored toga, Odsjek krim. policije PU I je učestvovao u planskim aktivnostima koje su izvodile druge organizacione jedinice unutar PU I kao i aktivnostima koje je provodio Sektor krim. policije MUP-a ZE-DO kantona. Takođe, OKP-e je u proteklom izvještajnom periodu imao vrlo dobru saradnju sa Kantonalnim tužilaštvom Zenica, drugim pravosudnim institucijama kao i policijskim upravama i policijskim agencijama.

U 2022. godini je pored navedenih aktivnosti ovaj Odsjek učestvovao u operativnim obezbjeđenjima brojnih sportskih, kulturnih i vjerskih manifestacija. Također, u okviru globalne borbe protiv terorizma, prikupljane su informacije o pojedincima i grupama koje bi predstavljali prijetnju općoj bezbjednosti.

U toku 2022. godine na području koje pokriva PU I evidentirano je ukupno 828 krivičnih djela. Od navedenog ukupnog broja krivičnih djela 376 ili 45,41 % je po poznatom izvršiocu i 452 ili 54,59 % po nepoznatom izvršiocu. Od ukupno prijavljenih krivičnih djela po nepoznatom izvršiocu (452) otkriveno je 310 krivičnih djela ili 68,58 %.

Ukupno je rasvijetljeno 686 krivičnih djela ili 82,85 %.

Zbog postojanja osnova sumnje da su počinili krivična djela prijavljeno je 756 lica, od kojih 429 povratnika u vršenju krivičnih djela i 35 maloljetnika.

U istom periodu 2021. godine evidentirano je 727 krivičnih djela. Od ukupnog broja krivičnih djela 305 ili 41,95% je po poznatom izvršiocu i 422 ili 58,05% po nepoznatom izvršiocu. Od ukupno prijavljenih krivičnih djela po nepoznatom izvršiocu 422 otkriveno je 266 krivičnih djela ili 63%.

Ukupno je rasvijetljeno 571 krivičnih djela ili 78,54%.

Zbog postojanja osnova sumnje da su počinili krivična djela prijavljeno je 614 lica, od kojih 378 povratnika u vršenju krivičnih djela i 17 maloljetnika.

	2021. godina	2022. godina
Broj krivičnih djela	727	828
Broj krivičnih djela po poznatom izvršiocu	305	376
Broj krivičnih djela po nepoznatom izvršiocu	422	452
Rasvijetljeno krivičnih djela po nepoznatom izvršiocu	266	310
Procenat rasvijetljenosti krivičnih djela po nepoznatom izvršiocu	63 %	68,58 %
Ukupno rasvijetljeno krivičnih djela	571	686
Procenat ukupne rasvijetljenosti krivičnih djela	78,54 %	82,85 %

Navedeni porast prijavljenih krivičnih djela rezultat su povećanja KD-a koja se odnose na zloupotrebu opojnih droga, a što je rezultat pojačanog rada policijskih službenika po pitanju pomenute problematike. Samim tim, došlo je do porasta kako rasvijetljenosti krivičnih djela, tako i broja prijavljenih osoba.

U toku 2022. godine ukupno je evidentirano 217 KD-a koja se odnose na zloupotrebu narkotičkih sredstava, dok je u 2021. godini evidentirano 132 navedena KD-a.

Također, Odsjek kriminalističke policije Policijske uprave I Zenica je postupao i po svim depešama i zahtjevima drugih policijskih uprava i policijskih agencija a u vezi operativnog rada i provjera osoba i objekata sa područja Policijske uprave I Zenica.

Što se tiče privrednog kriminaliteta, Policijska uprava I Zenica je u izvještajnom periodu Kantonalnom tužilaštvu ZE-DO kantona, kao i Tužilaštvu BiH podnijela 19 izvještaja o prikupljenim izjavama i dokazima koji se odnose na krivična djela **"Krivotvorenje isprava"**, **"Utaja"**, **"Prijevarena"**, **"Šumska krađa"**, **"Skidanje ili povreda službenog pečata ili znaka"**, **"Pronevjera u službi"**, **"Ovjeravanje neistinitog sadržaja"** te je broj prijavljenih osoba 19.

Policijskoj upravi I Zenica je u izvještajnom periodu podneseno 274 prijava koje se odnose na krivična djela **"Ubistvo u pokušaju"**, **"Teška tjelesna ozljeda"**, **"Laka tjelesna ozljeda"**, **"Učestvovanje u tuči"**, **"Protupravno lišenje slobode"**, **"Ugrožavanje sigurnosti"**, **"Razbojništvo"**, **"Oštećenje tuđe stvari"**, **"Iznuda"**, **"Prikriivanje"**, **"Izazivanje opće opasnosti"**, **"Sprečavanje službene osobe u vršenju službene radnje"**, **"Napad na službenu osobu u vršenju poslova sigurnosti"**, **"Nasilničko ponašanje"**, **"Nedozvoljeno držanje oružja ili eksplozivnih materija"**.

Od navedenog broja prijava službenici Policijske uprave I Zenica su nadležnom tužilaštvu dostavili 120 izvještaja o izvršenom krivičnom djelu, od čega 98 izvještaja po poznatom izvršiocu protiv 158 lica i 22 izvještaja po nepoznatom izvršiocu kao i 99 izvještaja o poduzetim mjerama i radnjama.

Iz navedene oblasti posebno treba istaći slijedeća krivična djela koja su izvršena na području Policijske uprave I Zenica:

- Četiri krivična djela **"Razbojništvo"** iz čl 289. stav 2. KZ F BiH, KD-a **"Teška krađa"** iz čl 287 KZ FBiH u vezi sa čl 54 KZ FBiH, koji su izvršeni na području PU I u periodu od 30.01.2021 - 10.01.2022. godine i to ;
 - dana 30.12.2021.godine u Zenici u ulici Prve zeničke brigade br.3, u sportskoj kladionici "Premier World sport" D.O.O. Čitluk, poslovnica Zenica 7 Babina Rijeka,
 - dana 03.01.2022. godine u Zenici u ulici Dr. Ćire Truhelke br.10 , u prodavnici "Merkator" D.O.O. Sarajevo, podružnica Zenica,
 - dana 06.01.2022.godine u ulici Prve Zeničke brigade broj 21A, prodavnici "Deveterac",
 - dana 10.01.2022.godine u Zenici u ulici Prve Zeničke brigade broj 3A, u prodavnici "AE Transport";

Navedena razbojništva izvršena su od strane maskiranog lica, uz prijetnju hladnog oružja- nož i u istima je vršeno otuđenje novca. Dana 12.01.2022. godine Kantonalnom tužilaštvu Zenica su dostavljeni izvještaji o otkrivanju izvršioca krivičnog djela **"Razbojništvo"** iz člana 289. stav 2. KZ F BiH u vezi sa članom 55, i članom 28. KZ F BiH, te krivično djelo **"Teška krađa"** iz člana 287. stav 1. tačka b. KZ F BiH, sve u vezi sa članom 54. KZ F BiH protiv lica M.R.

- Krivično djelo **"Nasilničko ponašanje"** iz čl 362. stav 2. KZ FBiH, krivično djelo **"Teška tjelesna ozljeda"** iz čl. 172 KZ FBiH i krivično djelo **"Oštećenje tuđe stvari"** iz čl 293 KZ FBiH, u vezi sa čl 54 KZ FBiH, izvršeno dana 06.01.2022. godine u ugostiteljskom objektu "Fast food San", lociran u Zenici u ulici Ričički put br.47, na način da su lica P.B., S.T. i Z.E. narušili građanski mir, izazivanjem tuče i nasiljem, na način da su u unutrašnjosti objekta fizički napali na oštećenog M.A zadajući mu udarce nogama, rukama te predmetima nanijevši mu teške tjelesne povrede a pri tome činivši i štetu na objektu i inventaru objekta a zatim fizički napali i na radnicu objekta D.S. Od strane PU I Kantonalnom tužilaštvu Zenica je dostavljeni izvještaji o otkrivanju izvršioca krivičnog djela **"Nasilničko ponašanje"** iz člana 362. stav 2., te krivična djela **"Teška tjelesna**

ozljeda" iz člana 172. stav 1. i "Oštećenje tuđe stvari" iz člana 293. KZ F BiH, sve u vezi sa članom 54. KZ F BiH, protiv lica P.B., S.T. i Z.E svi iz Zenice.

- Krivično djelo **"Ubistvo"** iz čl 166. stav 1. KZ F BiH, u vezi sa čl. 28. KZ F BiH **"Pokušaj"** izvršeno dana 14.01.2022.godine u Zenici u ulici Kranjčevićeva kod broja 10, od strane lica A.S. iz Zenice na način da je isti u prolazu prilikom susreta sa licima H.E. i Š.B., se zaustavio i pozdravio sa njima, a zatim je iz svoje jakne izvadio jednu sjekiru i bez ikakvog povoda, u namjeri da ga liši života, oštricom od sjekire zadao jedan udarac H.E. u predjelu njegove glave, nanijevši mu teške tjelesne ozljede. Protiv lica A.S. Kantonalnom tužilaštvu Zenica dostavljen izvještaj o počinjenom krivičnom djelu **"Ubistvo"** iz člana 166. stav 1 KZ F BiH u vezi sa članom 28. KZ F BiH. **"Pokušaj"**.
- KD **"Razbojništvo"** iz čl. 289. KZ F BiH, izvršeno na štetu malodobnog lica i to dana 09.08.2022. u Zenici na raskrsnici ulica Bulevar Ezhera Eze Arnautovića i Talića brdo, u namjeri da počinji krivično djelo i time pribavi protivpravnu imovinsku korist, lice V. A. zajedno sa mldb H.I. iz Zenice, presreo malodobno lice S.A. koji se nalazio u društvu sa malodobnim T.I., te je uperivši hladno oružje- džepni nož prema oštećenom naredio istom da preda mobitel, što je on , zbog bojazni za svoj životi, učinio. Dana 10.08.2022. godine od strane PU I Kantonalnom tužilaštvu Zenica podnešen je Izvještaj o počinjenom krivičnom djelu **"Razbojništvo"** iz čl. 289. KZ F BiH protiv lica V.A.
- KD **"Razbojništvo"** iz čl. 289. KZ F BiH, izvršeno na štetu malodobnog lica i to dana 09.08.2022. godine u Zenici na lokalitetu Kamberović polja, lice V.A. zajedno sa mldb H.I. iz Zenice, je prišao malodobnim A.A. naredio da preda novac koji ima kod sebe, i da sa sebe skine i preda mu svoju duksericu, nakon čega je od istog otuđio novac u iznosu od 3 KM, te je potom istom zaprijetio da će ga ponovo naći i istući ukoliko mu za pola sata ne donese 50 KM. Dana 10.08.2022. godine od strane PU I Kantonalnom tužilaštvu Zenica podnešen je Izvještaj o počinjenom krivičnom djelu **"Razbojništvo"** iz čl. 289. KZ F BiH protiv lica V.A.
- KD **"Razbojništvo"** iz čl. 289. KZ F BiH, izvršeno na štetu malodobnog lica i to dana 09.08.2022. godine u Zenici na lokalitetu Kamberović polja, lice V.A. zajedno sa mldb H.I. iz Zenice, je presreo malodobna lica S.S. i B.R., te je uperivši hladno oružje- džepni nož prema njima naredio da mu predaju novac, što su isti i učinili nakon čega im je V.A. preturao po džepovima, i nakon što se uvjerio da nemaju više novca, zajedno sa mldb H.I. udaljio se sa lica mjesta. Dana 10.08.2022. godine od strane PU I Kantonalnom tužilaštvu Zenica podnešen je Izvještaj o počinjenom krivičnom djelu **"Razbojništvo"** iz čl. 289. KZ F BiH protiv lica V.A.
- Krivično djelo **"Ubistvo"** iz čl. 166. u vezi sa članom 28. i članom 31. KZ F BiH **"Pokušaj"** , izvršeno dana 10.09.2022. godine, u ulici Saliha Skomorca 86, ispred porodične kuće oštećenog D.R. na način da su lica S.E. i D.A. uz prethodnu pripremu i dogovor, u namjeri da istog liše života, koristeći predmete podesne za nanošenje povreda, fizički napali na D.R., na način da mu je prijavljeni S.E. lopatom zadao udarce u predjelu glave i tijela, dok mu je prijavljeni D.A. zadao udarce drvenim štilom ili letvom u predjelu glave i tijela, usljed kojih udaraca je pao na tlo, gdje su mu nastavili zadavati udarce navedenim predmetima u predjelu glave i tijela, dok je dalji fizički napad spriječen od strane D.Š., brata od oštećenog nakon čega su prijavljeni pobjegli sa lica mjesta. Kod oštećenog D.R. su nakon ukazivanja ljekarske pomoći, konstatovane teške tjelesne životno ugrožavajuće ozljede - impresivni prijelom kostiju glave, sa krvarenjem u mozak, i povrede desnog ramena. Dana 10.09.2022. godine, od strane PU I , Kantonalnom tužilaštvu Zenica

podnesen Izvještaj o počinjenom krivičnom djelu "Ubistvo" iz čl. 166. u vezi sa članom 28. i članom 31. KZ F BiH "Pokušaj" protiv S.E. i D.A. iz Zenice.

- Krivično djelo "**Razbojništvo**" iz člana 289. stav 2. KZ F BiH počinjeno dana 23.10.2022. godine, kada su prijavljeni H.S. i S.K. uz prethodni dogovor da počine krivično djelo i time ostvare protivpravnu imovinsku korist, sastali sa sa oštećenim M.A. i H.A. te su sjeli u vozilo kojim je upravljao oštećeni M.A. i nakon što je oštećeni zaustavio vozilo na parking prostor između zgrada, prijavljeni H.S. je izvadio pištolj i naredio oštećenim da predaju novac i mobitele, ili će u protivnom pucati, a zatim je u vozilu ispalio jedan hitac iz pištolja, nakon čega su oštećeni predali novac i mobilne telefone te su iskoristili momenat nepažnje prijavljenih i istražali iz auta, dok su prijavljeni također izašli iz vozila, i sa otuđenim novcem se odaljili sa lica mjesta. Kantonalnom tužilaštvu Zenica podnesen Izvještaj o počinjenom krivičnom djelu "Razbojništvo" iz člana 289. stav 2. KZ F BiH protiv H.S. i S.K. iz Zenice.
- Krivično djelo "**Ubistvo**" iz člana 166., a u vezi sa članom 28. KZ F BiH "**Pokušaj**", izvršeno dana 18.10.2022. godine, u Zenici, pored rijeke Bosne na lokalitetu naselja Blatuša, na način da je prijavljeni M.N. u namjeri da liši života oštećenu K.Z., unaprijed planirajući da to učini, nakon što se sa oštećenom kao suvozač u PMV u vlasništvu firme u kojoj je ista zaposlena, dovezao na lokaciju pored rijeke Bosne, pod izgovorom da trebaju razgovarati u vezi sa novčanim dugom koji imenovani ima prema oštećenoj, pri tome je navodeći da dođe na mjesto koje nije izloženo pogledima prolaznika, tako da može nesmetano ostvariti ono što je prethodno isplanirao i zamislio, te je prilikom njihovog razgovora, neočekivano fizički napao na oštećenu na način da joj je stavio nepoznat predmet preko usta pokušavajući da je uguši, a zatim je obuhvatio jednom rukom preko usta, a drugom rukom je ubuhvatio njen vrat i počeo da je guši, oborivši je na tlo, pri tome joj se obraćao riječima: "Ubit ću te, mrtva si!", dok se za to vrijeme oštećena opirala pokušavajući da se otrgne iz njegovih ruku, nakon čega je prislonio nepoznat predmet u predjelu njenog vrata (vjerovatno šarafciger), a zatim je uzeo jednu veću kamenicu koja se nalazila pored njega, i zadao oštećenoj K.Z. više udaraca kamenicom u predjelu lijeve strane glave, govoreći da je gotova, a usljed zadobijenih udaraca izgubila je svijest, nakon čega se prijavljeni M.N. udaljio sa lica mjesta PMV-om kojim su se prethodno dovezli na navedenu lokaciju, zajedno sa torbom i ličnim stvarima oštećene koje su se nalazila u otuđenom vozilu, dok je oštećena po dolasku svijesti smogla snage da dopuže u blizinu kolovoza i dozove pomoć prolaznika, nakon čega je vozilom SHMP-i Zenica prevezena u KB Zenica, gdje je podvrgnuta operativnom zahvatu i zadržana na daljem liječenju, jer je zadobila teške tjelesne ozljede koje se ogledaju u višestrukom prijelomu kostiju lica lijeve strane, povrede na glave u vidu razdernognječnih rana, povrede ruke i dr. Kantonalnom tužilaštvu Zenica podnesen Izvještaj o počinjenom krivičnom djelu "Ubistvo" iz člana 166., a u vezi sa članom 28. KZ F BiH "Pokušaj", protiv M.N.
- KD iz člana 166. stav 2. KZ FBIH "**Ubistvo**" počinjeno na štetu B.A. (1966) iz Zenice, čije je beživotno tijelo pronađeno dana 19.03.2022. godine u porodičnoj kući u mjestu Podbriježe - Poglavnica broj 17 u Zenici, sa vidljivim povredama nanesenim hladnim oružjem, nožem. Zbog postojanja osnova sumnje da je počinio krivično djelo, dana 25.03.2022. godine slobode lišen malolejtnik K.S. (2005) iz Zenice, koji je ispitan u svojstvu osumnjičenog lica i uz izvještaj o počinjenom krivičnom djelu predat dana 23.03.2022. godine u nadležnost Kantonalnog tužilaštva ZE-DO Kantona.
- Dana 04.06.2022. godine u 21,20 sati u Ulici Islambegovića put, Grad Zenica u fotokopirnici "No8", pronađena dva beživotna tijela lica B.M., (1959) iz Zenice i P.N. (1968) iz Zenice. Izvršen je uviđaj od strane službenika SKP-a Uprave policije koji su poduzimali mjere i radnje na

prikupljanju dokaza i rasvjetljavanju navedenog događaja da je smrt P.N nastupila nasilnim putem i da je isto počinio B.M. koji je nakon toga počinio samoubistvo vatrenim oružjem-pištoljem.

- Također Službenici odsjeka kriminalističke policije ZE-DO Kantona su zadokumentovali i KD "Razbojništvo" iz člana 289. KZ FBiH stav 2. u vezi sa stavom 1. KD-a "Protivpravno lišenje slobode" iz člana 179. KZ FBiH, stav 2. u vezi sa stavom 1. na štetu lica A.B., K.S., M.E., i H.O. svi državljani Turske, a koja su izvršena u mjestu Kovanići, Grad Zenica. Povodom prijavljenih krivičnih djela Kantonalnom tužilaštvu Zeničko-dobojskog kantona dostavljen je izvještaj o počinjenom krivičnom djelu i otkrivanju izvršioca protiv lica S.N., D.DŽ. i S.A.

U periodu Januar- Decembar 2022. godine po problematici zloupotrebe opojnih droga, od strane PU I, Odsjeka kriminalističke policije, Kantonalnom tužilaštvu Zenica za KD **"Neovlaštena proizvodnja i stavljanje u promet opojnih droga"** iz člana 238. stav 1 KZ FBiH i **"Posjedovanje i omogućavanje uživanja opojnih droga"** iz člana 239.st. 3. KZ FBiH, dostavljeno je ukupno **213** izvještaja, protiv **219** lica, i to **četrdeset i devet (49)** izvještaja protiv **pedeset i jednog (51)** lica za KD-o «Neovlaštena proizvodnja i stavljanje u promet opojnih droga» iz člana 238. stav 1 KZ FBiH, **stotinu šesdeset i četiri (164)** izvještaja protiv **stotinu šesdeset i osam lica (168)** za KD-o "Posjedovanje i omogućavanje uživanja opojnih droga" iz člana 239.st. 3. KZ FBiH, kao i **dvadeset i jedan (21)** izvještaja o poduzetim mjerama i radnjama.

➤ U izvještajnom periodu pronađene i oduzete su slijedeće materije koje asociraju na opojne droge i to:

- Praškasta materija koja asocira na opojnu drogu bruto težine **260,30 grama;**
- Biljna materija koja asocira na opojnu drogu ukupne bruto težine **1528,60 grama;**
- NN tableta 3 komada;
- šest (6) tableta "lexaurin";
- pedeset (50) ručno pravljenih cigareta tzv. "joint";
- sedam (7) komada stabljika biljne materije.

U periodu Januar - Decembar 2022 godine prijavljeno je ukupno 48 saobraćajnih nezgoda, zadokumentovanih u OKP PU I Zenica u kojima je 6 lica smrtno stradalo, 49 lica zadobilo teške tjelesne povrede i 20 lica zadobilo lakše tjelesne povrede, na jednom motornom vozilu nastupila veća materijalna šteta, dok je jedna nezgoda koja se dogodila dana 26.02.2022 godine oko 19,40 sati na putu M-17 u mjestu Radakovo u kojoj su 2 lica smrtno stradala, zadokumentovana u MUP ZE-DO Kantona SKP.

Policijskoj upravi I Zenica su u izvještajnom periodu prijavljena sljedeća krivična djela iz glave XIX KZ FBiH **"Krivična djela protiv spolne slobode i morala"** i glave XX KZ FBiH **"Krivična djela protiv braka, porodice i mladeži"**, i to:

- 116 prijava KD-a "Nasilja u porodici",
- 8 prijava KD-a "Izbjegavanje izdržavanja",
- 3 prijave KD-a "Bludne radnje",
- 2 prijave KD-a "Silovanje",
- 2 prijave KD-a "Izvanbračna zajednica sa mlađim maloljetnikom",

- 5 prijava KD-a "Oduzimanje djeteta ili maloljetnika",
- 1 prijava KD-a "Iskorištavanje maloljetnika radi pornografije",
- 2 prijave KD-a "Trgovina ljudima",
- 1 prijava KD-a "Spolni odnošaj s nemoćnom osobom",
- 10 prijava KD-a "Zapuštanje djeteta ili maloljetnika" .

U periodu Januar - Decembar 2022. godine na području koje pokriva PU I prijavljeno je otuđenje 5 vozila i to: 4 PMV-a marke "GOLF II" i 1 PMV marke "VW PASSAT", dok su prijavljena 2 krivična djela pokušaj otuđenja vozila. Od navedenih 5 otuđenih vozila pronađena su 2 vozila od strane policijskih službenika i 1 jedno vozilo koje je otuđeno u prethodnom periodu, dok su policijski službenici PU I pronašli 3 vozila koja su otuđena sa područja drugih MUP-ova i PU.

U naznačenom periodu kriminalistička tehnika je pružila značajnu aktivnost u rješavanju krivičnih djela gdje je potrebno angažovanje stručnih kadrova i složene kriminalističke obrade tragova kako bi se obezbjedili relevantni dokazi u krivičnim postupku. Tumačeni su i analizirani svi tragovi pronađeni na mjestu izvršenih krivičnih djela a određeni broj tragova dostavljen je na vještačenje u cilju dokazivanja i identifikacije izvršilaca. Izvršeno je ukupno 419 uviđaja, od toga kvni i seksualni delikti 87, imovinski delikti 123, saobraćaj 37, požari i eksplozije 22, izaizvanje opšte opasnosti 1, proizvodnja i promet opojnih droga 44, ostalih uviđaja 105. Na mjestu događaja pronađeno je ukupno 805 tragova.

U navedenom periodu od strane službenika Policijske uprave I Zenica izvršeno je 68 pretresa stanova, kuća, vozila i predmeta, o čemu su sačinjavani izvještaji koji su dostavljani nadležnom tužilaštvu i sudu.

ZAKLJUČAK

Bezbjedonosnu situaciju na području koje pokriva Policijska uprava I Zenica u periodu januar-decembar 2022. godine, u odnosu na isti period prethodne godine, karakteriše smanjenje broja narušavanja javnog reda i mira i saobraćajnih nezgoda dok je broj krivičnih djela u porastu.

U oblasti javnog reda i mira, u izvještajnom periodu, na području koje pokriva Policijska uprava I Zenica, registrovano je 1661 slučajeva narušavanja JRiM-a u odnosu na 2664 slučaja narušavanja JRiM-a registrovana u istom periodu prethodne godine, što predstavlja smanjenje za 1003 slučaja ili 37,6 %, može se konstatovati i kao rezultat kako pojačanih aktivnosti koje su službenici Policijske uprave I Zenica poduzimali u skladu sa ranije sačinjenim Planom pojačanih aktivnosti policije iz oblasti kriminaliteta, JRiM-a, posebno na pregledu ugostiteljskih objekata i osoba u njima, pregledu otvorenih i napuštenih objekata, te pregledu vozila i osoba u vozilima radi pronalaska predmeta pogodnih za nanošenje tjelesnih povreda sebi ili drugome, kao i predmeta iz krivičnih djela te opojnih sredstava, a sve u cilju stvaranja sigurnijeg ambijenta na području grada Zenica. Također, navedeni pokazatelji su rezultat i pojačanih zajedničkih aktivnosti sa Kantonalnom upravom za inspeksijske poslove na kontroli ugostiteljskih objekata u pogledu poštivanja Općinske odluke o radnom vremenom, kao i kontrole i nadzora rada ugostiteljskih objekata koji su poznati kao mjesta u kojima se često narušava javni red i mir ili se okupljaju osobe sklone vršenju prekršaja. Osim toga, poduzimane su i pojačane aktivnosti na sprečavanju rada nelegalnih taksi prijevoznika, a također su vršene i aktivnosti kontrole i nadzora nad radom ugostiteljskih objekata i drugih preduzeća koja koriste usluge nelegalnih zaštitara, kao i aktivnosti povodom najavljenih organizovanih blokada javnih puteva i ustanova, te

aktivnosti na obezbjeđenju svih javnih skupova (sportskog, kulturnog, vjerskog i dr. karaktera) koji su se održavali na području grada Zenica.

U oblasti saobraćaja, u izvještajnom periodu, na području koje pokriva Policijska uprava I Zenica, evidentirano je 1021 saobraćajnih nezgoda u odnosu na 1255 saobraćajnih nezgoda evidentiranih za isti period prethodne godine, što predstavlja smanjenje za 234 saobraćajnih nezgoda ili 18,64%. Međutim ovo smanjenje se ogleda kod saobraćajnih nezgoda sa materijalnom štetom za 242 ili 22,51% dok je kod saobraćajnih nezgoda sa poginulim osobama u porastu za 2 ili 50%, te kod saobraćajnih nezgoda sa povrijeđenim osobama u porastu za 10 ili 5,8 %. Navedeni pokazatelji su rezultat pojačanih aktivnosti na poduzimanju preventivnih mjera za poboljšanje bezbjednosti saobraćaja, zatim pojačanih aktivnosti na provođenju represivnih mjera prilikom kontrole učesnika u saobraćaju, aktivnosti u pogledu postupanja prema vozačima, počiniocima prekršaja utvrđenih stacioniranim i mobilnim radarom, naročito onih koji upravljaju vozilima stranih registarskih oznaka, te planskih aktivnosti u pogledu kontrole vožnje pod dejstvom alkohola, kontrole brzine kretanja vozila i kontrole preticanja na nedozvoljenim mjestima, kao i kontinuiranih aktivnosti na rješavanju problematike mirujućeg saobraćaja, tehničke neispravnosti vozila i dr.

U oblasti kriminaliteta, u izvještajnom periodu, na području koje pokriva Policijska uprava I Zenica, evidentirano je 828 krivičnih djela u odnosu na 727 krivična djela evidentirana za isti period prethodne godine, što predstavlja povećanje za 101 krivičnih djela ili 13,89 %, a što je rezultat pojačanih aktivnosti koje su službenici Policijske uprave I Zenica poduzimali u skladu sa Planom o poduzimanju mjera i aktivnosti na poboljšanju bezbjedonosnog stanja na području ZE-DO kantona, zatim Planom o pojačanoj kontroli vozila i pregledu vozila i osoba, te Planom o poduzimanju mjera i aktivnosti na sprečavanju nelegalne sječe šume, kao i Planovima o izvođenju operativno taktičkih mjera i radnji – racija u ugostiteljskim objektima. Osim toga, poduzimane su i pojačane aktivnosti na suzbijanju neovlaštene proizvodnje, stavljanja u promet, posjedovanja i uživanja opojne droge, zatim aktivnosti na kontroli ugostiteljskih objekata koji su poznati kao mjesta u kojima se često okupljaju osobe sklone vršenju krivičnih djela, te aktivnosti na sprečavanju nelegalnog nabavljanja, držanja i nošenja oružja i municije (član 52. i 53. Zakona o nabavljanju, držanju i nošenju oružja i municije).

PRIJEDLOG MJERA KOJE ĆE SE PODUZIMATI U CILJU POBOLJŠANJA BEZBJEDONOSNE SITUACIJE

JAVNI RED I MIR

- poduzimati mjere i radnje predviđene planom pojačanih aktivnosti policije iz oblasti JRiM-a, posebno na pregledu ugostiteljskih objekata i osoba u njima, otvorenih i napuštenih objekata, te pregledu vozila i osoba u vozilima radi pronalaska predmeta pogodnih za nanošenje tjelesnih povreda sebi ili drugome, kao i predmeta iz krivičnih djela te opojnih sredstava, a sve u cilju stvaranja sigurnijeg ambijenta na području grada Zenica.
- nastaviti pojačane aktivnosti na poduzimanju mjera i radnji koje se ogledaju u preventivnom radu kroz pozorno-patrolnu djelatnost na patrolnim sektorima.
- obavljati zajedničke aktivnosti sa Kantonalnom upravom za inspeksijske poslove na kontroli ugostiteljskih objekata u pogledu poštivanja Općinske odluke o radnom vremenu.

- vršiti pojačane aktivnosti kontrole i nadzora rada ugostiteljskih objekata koji su poznati kao mjesta gdje se često narušava javni red i mir ili se okupljaju osobe sklone vršenju prekršaja.
- nastaviti sa pojačanim aktivnostima vezano za kontrolu i nadzor rada ugostiteljskih objekata i drugih preduzeća koja koriste usluge nelegalnih zaštitara.
- obavljati aktivnosti povodom najavljenih organizovanih blokada javnih puteva i ustanova.
- obavljati aktivnosti na obezbjeđenju svih javnih sportskih, kulturnih, vjerskih i dr. skupova.
- poduzimati mjere prema maloljetnim osobama, odnosno njihovim roditeljima i starateljima radi činjenja prekršaja iz člana 3. stav 1. tačka 26. Zakona o javnom redu i miru.
- nastaviti sa aktivnostima na realizaciji projekata "Rad policije u zajednici" u cilju postizanja bolje bezbjedonosne situacije i osjećaja sigurnosti građana.

BEZBJEDNOST SAOBRAĆAJA

- nastaviti sa pojačanim aktivnostima na poduzimanju preventivnih mjera za poboljšanje bezbjednosti saobraćaja na svim kategorijama puteva, a u skladu sa analitičkom procjenom stanja u oblasti bezbjednosti saobraćaja baziranoj prije svega na broju saobraćajnih nezgoda koje su evidentirane na području grada Zenica i posljedica kojima su iste rezultirale (smrtno stradali, povrijeđeni, materijalna šteta).
- nastaviti sa pojačanim aktivnostima na provođenju represivnih mjera prilikom kontrole učesnika u saobraćaju, sa akcentom na pojedine kategorije učesnika – počinioce prekršaja koji najčešće uzrokuju saobraćajne nezgode (prekoračenje brzine, vožnja pod uticajem alkohola ili opojnih droga, tehnička neispravnost vozila i sl.) .
- nastaviti sa aktivnostima u pogledu postupanja prema vozačima, počinioce prekršaja utvrđenih stacioniranim i mobilnim radarom, LPR kamerama, naročito onih koji upravljaju vozilima stranih registarskih oznaka.
- nastaviti provođenje planskih aktivnosti na pojačanoj kontroli vožnje pod dejstvom alkohola, kontroli brzine kretanja vozila i kontroli preticanja na nedozvoljenim mjestima.
- nastaviti kontinuirane aktivnosti na rješavanju problematike mirujućeg saobraćaja, tehničke neispravnosti vozila i dr.
- vršiti pojačanu kontrolu vozila i vozača za koje postoje saznanja da motornim vozilima upravljaju bez položenog vozačkog ispita, odnosno bez vozačke dozvole.
- nastaviti sa pojačanim aktivnostima na sprečavanju rada nelegalnih taksi prijevoznika.

KRIMINALITET

- nastaviti pojačane aktivnosti u skladu sa Planom o poduzimanju mjera i aktivnosti na poboljšanju bezbjedonosnog stanja na području ZE-DO kantona.
- poduzimati pojačane aktivnosti na sprečavanju i rasvjetljavanju krivičnih djela razbojništva i razbojničkih krađa te krivičnih djela izazivanja opće opasnosti.
- nastaviti pojačane aktivnosti na sprječavanju i rasvjetljavanju krivičnih djela teških krađa u stanove, kuće i vikendice.
- nastaviti pojačane aktivnosti u skladu sa Planom o pojačanoj kontroli vozila i pregledu vozila i osoba u vozilima.
- nastaviti aktivnosti u skladu sa Planom o poduzimanju mjera i aktivnosti na sprečavanju nelegalne sječe šume.

- vršiti pojačane aktivnosti na suzbijanju neovlaštene proizvodnje, stavljanja u promet, posjedovanja i uživanja opojne droge, zatim aktivnosti na kontroli ugostiteljskih objekata koji su poznati kao mjesta u kojima se često okupljaju osobe sklone vršenju krivičnih djela, te aktivnosti na sprečavanju nelegalnog nabavljanja, držanja i nošenja oružja i municije.
- nastaviti pojačane aktivnosti u skladu sa Planom sprečavanja otuđenja putničkih motornih vozila.
- nastaviti aktivnosti na sprečavanju i otkrivanju počinitelja teških krađa u privredne i društvene objekte.
- obavljati aktivnosti na suzbijanju privrednog kriminaliteta.
- poduzimati aktivnosti na realizaciji mjera iz programa prevencije maloljetničke delikvencije.

INFORMACIJU SAČINIO

NAČELNIK POLICIJSKE UPRAVE I

GLAVNI INSPEKTOR

Kolak Mladen

